

原機啟微附錄

原機啓微附錄目錄

論目爲血脉之宗

論目昏赤腫翳膜皆屬於熱

論眼症分表裏治

論目疾宜出血最急

論內障外障

論瞳子散大

論倒睫赤爛

論目不能遠視爲陰氣不足

論目疾分三因

論偷鍼眼

先哲治驗

附方

治風之劑

局方蜜蒙花散

三因羌活散

東垣明目細辛湯

機要四物龍膽湯

防風飲子

治熱之劑

局方洗心散

濟生羊肝丸

東垣瀉熱黃連湯

治風熱之劑

局方明目流氣飲

洗肝散

錢氏瀉青丸

東垣連翹飲子

治濕熱之劑

神芩丸

東垣龍膽飲子

理血之劑

局方明目地黄丸

簡易加減駐景丸

地芝丸

理氣之劑

局方定志丸

濟生桑白皮散

養陽之劑

東垣神效黃芪湯

益氣聰明湯

人參補胃湯

滋陰之劑

東垣連柏益陰丸

滋陰腎氣丸

養陽滋陰之劑

局方菊睛丸

東垣滋陰地黃丸

補陽湯

沖和養胃湯

治障翳諸方

龍木論還睛丸

局方蟬花無比散

蟬花散

本事方羊肝丸

秘方撥雲退翳丸

點洗諸方

局方湯泡散

三因立勝散

金露膏

寶鑑春雪膏

拔萃方嚙藥

瞻光膏

灸雀目疳眼法

附東垣諸先生治法

撥雲湯

助陽活血湯

神効明目湯

廣大重明湯

五秀重明湯

升陽柴胡湯

芎華湯

羌活退翳丸

保命當歸湯

瑞竹四神丸

補肝散

簡要補肝散

羚羊角飲子

腎臟風眼治法

四生散

小兒五臟目疾治法

天麻丸

生犀散

瀉黃散

生熟地黃散

三味蘆薈丸

九味蘆薈丸

地黃丸

肥兒丸

小兒痘疹毒攻致眼疾治法

通頂散

膜脂塗眼法

決明散

蜜蒙散

通聖散

蛤粉散

蛇皮散

蟬蛻散

二粉散

海藏先生治法

菊花散

二草散

雞肝散

小兒至夜眼不明治法

還明飲

合明散

小兒肝脾積熱等目疾治法

養肝丸

車前子散

草龍膽散

明目飲

小兒飛絲入目

散

陳外端

二草端

二條端

無靈去主命去

雙支端

雙強端

風聖端

風健端

夾心端

夾蒙端

龍鳳端

雙龍金聖去

原機啓微附錄

薛氏醫按

元敕 山人 老人 倪維德著

吳郡薛已校 新都吳玄有閱

論目爲血脉之宗

內經曰諸脉者皆屬於目目得血而能視鍼經曰五臟六腑精氣皆上注於目而爲之精精之窠爲眼骨之精爲黑眼血之精爲絡其窠氣之精爲白眼肌肉之精則爲約束裏攣筋骨血氣之精而與脉并爲系上屬於腦後出於項中故邪中於項因逢其身之虛其入深則隨眼系入於腦則腦轉腦轉則引目系急

目系急則目眩以轉矣邪中其精其精所中不相比也則精散精散則視岐故見兩物目者五臟六腑之精榮衛魂魄之所常營也神氣之所主也故神勞則魂魄散志意亂是故瞳子黑眼發於陰白眼赤脉發於陽故陰陽合傳而爲精明也目者心之使也心者神之舍也故神精亂而不轉卒然見非常之處精神魂魄散不相得故曰惑也東垣曰夫十二經脉三百六十五絡其血氣皆上走於面而走空竅其清陽氣上散於目而爲精其氣走於耳而爲聽因心煩事冗飲食失節勞役過度致脾胃虛弱心火太盛則百脉

沸騰血脈運行邪害空竅失明則日月不明矣夫五臟六腑之精氣皆稟受於脾上貫於目脾者諸陰之首也目者血脈之宗也故脾虛則五臟之精氣皆失所司不能歸明於目矣心者君火也主人之神宜靜而安相火化行其令相火者包絡也主百脈皆榮於目既勞役運動勢乃妄行又因邪氣所并而損血脈故諸病生焉凡醫者不理脾胃及養血安神治標不治本是不明正理也

按此論目爲臟腑血脈精氣之宗至爲詳悉豈但世俗拘之於五輪八廓而已也

論目昏赤腫翳膜皆屬於熱

原病式曰目昧不明目赤腫痛翳膜皆瘍皆爲熱也
及目膜俗謂之眼黑亦爲熱也或平白目無所見者
熱氣鬱之甚也或言目昧爲肝腎虛冷者誤也是以
妄謂肝生於目腎主瞳子故妄言目昧爲虛而冷也
然腎水冬陰也虛則當熱肝水春陽也虛則當冷腎
陰肝陽豈能同虛而爲冷者歟或通言肝腎之中陰
實陽虛而無由目昧也俗妄謂肝腎之氣衰少而不
能至於目也不知經言熱甚目瞑眼黑也豈由寒爾
又而仲景言傷寒病熱極則不識人乃目盲也正理

論曰由熱甚怫鬱於目而致之然也若目無所見耳
無所聞悉由熱氣怫鬱玄府閉密而致氣液血脉榮
衛精神不能升降出入故也各隨鬱結微甚而有病
之輕重也故知熱鬱于目無所見也故目微昏者至
近則轉難辯物由目之玄府閉小也隔縑視物之象
也或視如蠅翼者玄府有所閉合者也或目昏而見
黑花者由熱氣甚而發之於目亢則害承乃制而反
出其泣氣液昧之以其至近故雖微而亦見如黑花
也及衝風泣而目暗者由熱甚而水化制之也故經
言厥則目無所見夫人厥則陽氣并于上陰氣并于

下陽并于上則火獨光也陰氣并于下則足陰足陰
則張也夫一水不能勝五火故目眚而盲是以衝風
泣下而不止夫風之中於目也陽氣內守於睛是火
氣燔目故見風泣下

按此論熱甚怫鬱陰陽并厥玄府閉密致目病之
由爲詳蓋一主於火熱之化也若由飲食辛熱七
情所動六氣淫鬱氣血虛實則東垣子和陳無擇
輩論亦已詳然亦有痰熱濕熱與夫服食金石燥
熱之藥致者或久病後榮衛虛弱肝氣腎陰不足
或元氣精氣虛衰及脫營爲病皆有虛熱實熱之

殊並宜分治

論眼證分表裏治

機要曰在腑則爲表當除風散熱在臟則爲裏宜養血安神暴發者爲表而易治久病者在裏而難愈

論目疾宜出血最急

子和曰聖人雖言目得血而能視然血亦有太過不及也太過則目壅塞而發痛不及則目耗竭而失明故年少之人多太過年老之人多不及但年少之人則無不及年老之人其間猶有太過者不可不察也夫目之內眥太陽經之所起血多氣少目之銳眥少

陽經也血少氣多目之上綱太陽經也亦血多氣少
目之下綱陽明經也血氣俱多然陽明經起於目兩
旁交頰之中與太陽少陽俱會于目惟是厥陰經連
於目系而已故血太過者太陽陽明之實也血不及
者厥陰之虛也故出血者宜太陽陽明蓋此二經血
多故也少陽一經不宜出血血少故也刺太陽陽明
出血則目愈明刺少陽出血則目愈昏要知無使太
過不及以養血目而已凡血之爲物太多則濫太少
則枯人熱則血行疾而多寒則血行遲而少此常理
也目者肝之外候也肝主目在五行屬木雖木之爲